

SANITÉ: Dai 5 d'otober inant pón indò se lascé vaciné cuntra les coies ti ambulators di doturs de fiduzia.

L'apoteca "Pütia" a Picolin é stlùta dai 18 ai 25 d'otober.

PLOANIES SAN MARTIN Y LUNGIARÜ

SaJ: la palestra da S. Martin é daverta tres de lõnesc dales 14.15 ales 17.15. Al vègn pitè n program de ativités por i scolars dla scora mesana y alta.

Invit a duc da tò pert al **Edema dla Fede** dla Unité Pastorala dai 18 ai 25 d'otober:

Domènia (18/10): Gran Mèssa te vigni ploania "Scomenciamènt dl'edema"

Dedolõnesc (20/10): a La Val referat dales 20.00 dl salf dles manifestaziuns referènt: don Paolo Renner "Quando sono debole è allora che sono forte"

Jöbia (22/10): a La Ila dales 20.00 tl salf dles manifestaziuns mèsa torona cun dr. Marco Pizzinini, siur Eugen Runggaldier, Alfons Pezzei "Tèmp de Covid: esperiènzes inanter tèma y fidènzia"

Vèndres (23/10): te vigni ploania: Ora de adoraziun/oraziun cun so orar

Sabeda (24/10): a San Martin dales 17.00 tl gran salf "The joy of the Lord!" Sèra cun le grup musical Pro Voxis en colauraziun cun le Sorvisc ai Jogn

Domènia (18/10): a Badia/Oies Conclujiun dl'edema dla fede:

- dales 15.00: Prozesciun cun Via Crucis da San Linert a Oies

- dales 16.00: Mèssa dles ploanies sö Oies cun le grup misical Octovox

SAN MARTIN

I tolun pert cun ligrèza ala Pröma Comuniun dles mitans y di mituns: Emily, Karolin, Sofia, Gabriel, Jan y Leonardo y s'uniun a d'èi incèr la mèsa de Gejù.

La Uniun dles Ères y di Èi invieia en domènia, ai 18 d'otober, duc i pers che é 10, 15, 20, 25, 30, 35, 40, 45, 50, 55 y 60 maridá, a súa mèssa de iubileum: chësc vel sciöche invit.

La schira jonila da San Martin chir animadèsses nöies por les incuntades ia por l'ann de scora 2020/21. Preibel cherdé sö Sara por info: 334 15 41 471

LUNGIARÜ

En domènia, ai 18 d'otober, tignunse la festa di maridá iubilars adöm cun la festa dla racoiöda. Ai pers cun 25, 30, 35, 40, 45, 50 y dessura, a chi ch'al ti vègn ince partí fora l'invit, é dèr bel invia da tò pert ala mèssa de súa festa che vègn chësc ann ma tignida te dljia. *Le Consèi de Cöra.*

Bel dlan dles ofertes en recordanza dl defunt Clara Ferdinando por la dljia da Uniun di Stödafüch Lungiarü, Uniun di Pèiapèsc, Vjinanza Seres-Mischì y da Albina Pezzei y families. -----

Le zënter sozial La Spona a Pidrô - Comunità Comprensoriala de Puster - chir por atira n/a educadú/èssa, pedagogh/a sozial/a al 50% por la comunità d'abitaziun. Le laur é dantadöt domisdé dal lõnesc ala jöbia. Por informaziuns telefonede 0471 843060 y damanede do la responsabla Sabine Federa.

Le Sci Club San Vigilio invieia duc i atlec, geniturs, sostignidus y interessá ala sentada generala en lõnesc (12/10) dales 20.00 tl salf Raiffeisen a Al Plan.



Plata dles Ploanies San Martin y Lungiarü



siur ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunitè

11.10 - 18.10.20 nr. 46

28ª DOMÈNIA IA POR L'ANN - A

Vangele do Matí 22,1-14

N re à menè sü sorvidus a cherdè i ghescé invia a noza. Mo ai n'orò nia gnì. Dailò àl ciàmò n iade ortié sorvidus y ti à racomanè: Dijedi ai invia: Mi past é arjigné, i bos y i tirs da maza é tué ia, döt é arjigné. Gnide a noza! Mo èi ne s'un fajò nia d'infora, un deperpo é jü te so ciamp, l'ater te súa botèga, indò d'atri é jüs porsura sü sorvidus, i à tortorè y i à copè. Sègn s'à le re dessenè; al à menè sües trupes, à fat copè i assassins y a súa cité ti àl taché fuch.

Spo ti àl dit a sü sorvidus:

Le past da noza é arjigné,
mo i ghescé n'è nia dègns de gnì invia.
Jide porchèl fora söles strades y inviede
duc, chi ch'i incuntèis, ala noza.
I sorvidus é jüs fora söles strades y à
condüt duc adöm chi ch'ai à incuntè, ri y
prosc, y le salf da festa s'à implì de ghescé.



I sá che le Signur me chërda, mo l'aldi ince?

Y scé: Me lasci invié o ái mies vertores?

Gejù nes spliga chësta verité cun na parabola:

Chël Bel Dî chërda jënt, mo ai ne ti olga nia a súa cherdada.

Ai á n gröm de impedimènc y de vertores ch'ai fej varèi.

Valgügn é disturbá y tan dessená ch'ai vá cinamai cuntra i sorvidus de Dî.

*Chël Bel Dî se dessèna y nen chërda d'atri che ne sal ess gnanca aspetada,
mo ince danter chisc n'él un che se vist tan mal ch'al vègn sciurè fora.*

Cun le sènn de Dî n'él nia da fá damat.

Mo a Gejù ne ti vára nia dl sènn de Dî, mo de súa cherdada.

*Chëra ne podunse nia suraldí, ara é tl'aria: Fejeste túa orenté o chëra de Dî?
Sc'i se lasciun mené da chëra, podunse ince se lascé sön súa misericordia.*

EDEMA LITURGICA	SAN MARTIN	LUNGIARÜ	 SEGRA DA LUNGIARÜ
11.10.20 28ª DOMËNIA - ann A	<i>FESTA DLA PRÖMA COMUNIUN</i> 9.30 Ingres dala scora y Mëssa solëna de rengraziamënt dla S.ma Eucaristia 14.00 Bato de Caterina Dejaco	<i>FESTA DLA SEGRA DA LUNGIARÜ</i> 7.55 Corona por + Ferdinando Clara 8.15 Mëssa solëna por la Comunité	Da jí tla dlijia da Lungiarü se fejon demorvëia tan alta y leria y tan bela depënta fora ch'ara é cun n gröm de figöres y ornamënc. L'ambiënt á na buna acustica che ti dá al perié y al cianté, che ringhinësc por n pezo, na tonalité da festa. Mo plü a edl toma les trëi pitöres dl ôt sössot: l'Ultima Cëna, la Cruzifijiun y la Ressorëziun. Gejú s'abina cun sü discepui al past de so comié y ti dá por testamënt so corp y so sanch tles formes dl pan y dl vin da mangé y da bëre. Insciö á i pröms cristians metü man da s'abiné la domënia incër la mësa dla parora de Dî a rumpí le pan y a recordé y protlamé la vita, la pasciun, la mort y la ressureziun dl Signur. A chisc trëi evënc zentrai dla vita de Gejú ó les trëi gran pitöres ti dé importanza y i tó ite tla vita dla comunité da Lungiarü. - L'ultima cëna nes inviëia les domënies y les festes a s'abiné y a formé dlijia fata sö de peres vies. - Gejú söla crusc nes mostra so gran amur al Pere y ala jënt. Al á vit chësc amur cun fedelté cina inultima y insciö cina ala mort crödia dla crusc. - Gejú, n'é da Idî nia gnü arbandoné tla mort, mo é gnü ressurecit a vita nöia. Les discepules y i discepui de Gejú l'á incunté sciöche ressurí. Y generaziuns de cristians á esperimenté y testimoniëia dötaurela süa presënza via, nia ma tles dlijies olach'ai s'abina, mo ince te süa vita y te sües opres de ciarité. La ligrëza por la Ciasa de Dî orunse ince sintí incö pro le past da segra te nostes ciasas. Nosta la Segra ! tg
12.10.20 Lönesc <i>Maximilian, Serafin</i>	<i>siur Heinrich n'é nia chiló en chëst'edema</i>	<i>siur Heinrich n'é nia chiló en chëst'edema</i>	
13.10.20 Dedolönesc <i>Eduard, André L., Aurelia</i>	19.30 Corona d'otober		
14.10.20 Dedemesaledema <i>Gaudënz, Alan</i>	18.00 Corona d'otober	7.30 Corona d'otober	
15.10.20 Jöbia <i>Tarejia d'Avila</i>	<i>degöna mëssa</i>		
16.10.20 Vëndres <i>Margareta M Alacoque, Hedwig</i>	18.30 Adoraziun chîta 19.00 Adoraziun deboriada	7.30 Corona d'otober	
17.10.20 Sabeda <i>Ignaze d'Antiochia, Anselm</i>	18.30 Mëssa prefestia de rengr. families de Otto Erlacher + Sepl Trebo, Pension Tor	20.00 Mëssa prefestia por i nüc Isabel y Antonio de rengr. fam. Clemente y Cherubina Clara dl ann + Nisio Clara, Paur + + Sepl y Silvia Rives	
18.10.20 29ª DOMËNIA - ann A DOMËNIA DLES MISCIUNS <i>De dla fede tla comunité</i>	9.00 Corona d'otober 9.30 Gran Mëssa por la Comunité cun Oferta por les Misciuns FESTA DI MARIDÁ IUBILARS dl ann + Cristina Conrater + + Pire y Rosalia Ploner	7.55 Corona d'otober 8.15 Gran Mëssa por la Comunité cun Oferta por les Misciuns FESTA DI MARIDÁ IUBILARS	